

hlipahluaili tamu'u

macimiungu taluavaɬana ari, malialikihlia ina'ana ihlahlamu puailimiararuma, angahli miararuma ikatumahlana, ausua pakiaturua, umiasala tapiamaliahlɛa kikucu, tapicunguhlu usua hliarikɛrɛta sala'a, angahli rumariringi miararuama miungu pi umani kuli'i ahlamɛ miararuma, nani ia saliaisa tamu'u.

mucapi likihli macacaca tamu'una, tarucuvunguihlahlamu, mita hlahlɛamu arupariva tamu'una, marumukuatamu'una kumikihli ihlahlamu apacacaihlahlamu. salia 'avangana tamu'una ia mamarikisua, naanaia paranaisa taku'i'iarɛ, ihlaisa paranahlamu ukikirmi anaɛpahlivinga, naana matumuhlua hliaripucua tamu'una pahlivingakiariari, marumukuaku pakisuahlai tamu'u:ngahlaisa kani'i? ngahlaisa kana'a? umaruakari tahla tamu'una tumuru ihlaku, makuvaaua hlikicumia lika'a "umanacu uuru", usuanganaiau pahlasurucua tamu'uahlaina, maruamu vahlita kumatalakiahlɛ upiaini camai marupatɛkɛ apuhlu masunguli, tulɛsɛ ucani pihlingi uumu uuru, tam masasangarɛ arumukaku. kɛlɛpɛngɛ uumu uuru, tɛlɛkɛlɛkɛ mɛmɛa tupuru apuhlu, umahlikua tamu'una ihlahlamu macaca amihla, tamucumu kani'i mahluavacavacangɛ, akuku umaria kasɛkasɛmana ia, rianɛaamu hlikirapangacɛ uka'aka tukapɛ, maivɛvɛrɛnga kuna arasihlangɛ umacɛkacu, pasa'asi tasuhlatɛa hla cɛrɛ, luvucu ia tasuhlatɛa

hlamu! muasasala usua pakiaturua iniciki miungu ariatɛkɛrana, kumamahlipapu marucavu hlikaiala ngɛaisa ina ku cɛrɛ, mapuhlii uuru hlipahlahlapa hlatɛngɛ ritu'a hla ucani 'asarɛ, kana'aia mataingalicu mavacangɛ sikuamamahlipapu, maci kuaunana ia mairangɛ hla intavangɛ.

miungu umalilɛpɛngɛ ia, makacaniaku puaili, ta'iaraisaka matumuhlua ta'iaraku masalia, ahlukuaɛ taku'i'iarɛ, miungu salia pasautasuhlatɛa musa hlipatuaiiailia matapangɛkalavungu 'ukui, muhluhlu sala'a ahlahluahluu papucukiu'u palɛmɛhlɛ piapipuaili, miungusalia pahlalangɛa ina'ana kuaruvaruvana, pusipiakuapuhlu patucici sahlumu, upapalu hlipasalangɛlangɛ ama'a puaili, miungu ruvana, tamalɛngalɛ hla tampaliku, marumuku ukikirmi amaku, takuliliungu arupakakari, marumukuaku nua hlahlahlamama, tupurupatɛkɛ apuapuhla, kumitahla kana'ana takuhlahluahluu, tumamahlangɛ pahlivinga kiariari hla kisuahlahlama, aunanicu micalivi ucani aari.

amihlamana tamu'una, kumita ihlamu hlamuhlamua, kui'arahlasɛ aanɛ hla pahlivinga, rianɛ miahlivihlivi, tumuakia pimanɛ kukiaparanasɛ, pasamamanganɛaku malitɛtɛnɛlɛ, tumimahla karitamu'u akuisa mamainimana tamuucu hlipasala ngɛlangɛ, macuisa ihlata kani'i tamucuita hlimahluvacavacangɛ.

外公的回憶

週末媽媽開著車載我們回故鄉，一下車，外公笑著迎接我們，我們跑過去抱著外公，外公喜歡騷我們癢，逗得我們哈哈大笑。外公的房間在二樓，那是他的工作室，更是我們最愛尋寶的地方，那裡收藏很多東西，我喜歡問外公：「這是什麼？那是什麼？」外公會用母語教我。樓下傳來「吃飯了」，外婆已經煮好她的拿手菜，一家人一起在庭院吃飯的感覺很熱鬧。

吃完飯，大家圍著火坐著，外公說你們現在很幸福，在我還讀國小時，都是打赤腳，天還沒有亮就起床，走三小時才會到學校，中午打開便當，白飯上頭放著炒酸菜和一顆荷包蛋，就是最豪華的午餐了，平常都是地瓜芋頭。放學後，就要趕緊回家，家裡還有很多的工作。

外公看著孫子們不愁吃穿，什麼都有，叫我們要好好珍惜，不可以浪費，我用力點頭。聽到外公小時候的生活艱辛，覺得我們好幸福。